

Ассаламу аьлайкум, дустал



ХХЯХХА БАРГЪ

Лакрал райондалул жамягийсса ва сиясийсса кказит

«ЗАРЯ»

Нюжмар

11 ноябрь

2016 ш.

№ 46

gazetazary@mail.ru

10 ноябрь - РФ-лук Виваллил иширтталсса буллалисса зузалтрал кьини

Полициялул зузалтрайн!

«Лакрал район» МР-данул администрациялул, депутатътурал Собраниялул ва ттула чулуха дакӀнихтуну барча буллай ура Аьрасатнал МВД-лул «Лакрал» отделданий зузисса, агьалинал мюхчаншиву дуруччин, низам дачин дан ликкурттай бавцӀуну, жунма зун-занан, кулпатру, оьрчӀру ябан аьдлу-къадагъа дуручлачисса къаралчитал, цинявпагу полициянал зузалт зула пишалул байран - Полициянал кьинилушал.

Мукумма барча буллай ура уттинин зий бивкӀми, гьарца шинал вава тарихрал милицинал кьини кӀицӀ лаглай бивкӀми.

Зул пишалул захӀматшиву, нигъчӀаву ягин хьусса ва оьлувкъусса заманнай, хаснува зула пишалуву магьиршиврия, агьалинашчал ара дачин даврия, личӀлулшиврия ва къучагъшиврия, зирангшиврия ва тивталшиврия хьарну бур халкъуннал хӀакьинусса оьрмулул паракьатшиврул даража, дунияллул тӀин-тӀааьн ласаву, оьмуния буруччаву, байкъмуния мугъят шаву.

Цала къуллугърал буржру биттур буллай жаннацӀа хьусса жула къучагътал, уссурвал, полициянал зузалт дакӀнин багъайхту цукса дакӀру къума дуллай дунугу, дакӀ дарцӀуну учин бюхълай бур, жула виваллил иширтталсса буллалисса зузалтрал чӀалачӀи дуллай бушиву цала къирия, жува буруччин-



шиврул жанну харж дан хӀадурну бушиву.

ТӀитӀиннав, хӀурмат бусса полициянал зузалт, зул хьхьичӀ дунияллул тӀитӀаларду, оьрмулул неьматру. Бигъахьуннав зул аьратталсса даву, маэшат лавай шавришал. ТалихӀ бухханнав зул кулпатирттаун. Гьарца аьрхилия зула ужагьирттайн, кулпатирттачӀан, орчӀачӀан цӀуллуну, дакӀру рахӀатну зана шаваннав!

Ю.ХӀ.МахӀаммадов, «Лакрал район» МР-данул администрациялул бакӀчи.

Агьалинал мюхчаншиву дуруччулт

Гьарца шинал ноябрь зурул 10-ний Аьрасатнаву кӀицӀ лагайссар Виваллил иширтталсса буллалисса органнал зузалтрал кьини

1715 шинал Петр 1-манал хӀлукмулийну халкъуннаву низам, аьдлу-къадагъа дуруччавриха зунсса паччахӀлугърал къуллугъ сакин бувну бур. Муниву оьрмулуву цимиллагу дахханашивуртту, цӀушиннарду хьуну дур.

Гьашину Аьрасатнаву полиция сакин бувну 301 шин хьанай дур. Ва паччахӀлугърай агьамшиву лавайсса къул-

хӀадуршиву оьрмулухун ккаккан бунни хьинну чӀявусса полициянал зузалтрал. ЧӀявусса лайкъ хьунни паччахӀлугърал ларайсса наградарттан ва барчаллагьран. Хьунмур никирал цӀа дурксса ирсликъну бурчлай бур цӀанасса полициянал зузалтралгу. Мукумма Дагъусттаннаяминналгу. Му хьиннува тасттик хьунни 1999 шинал республи-



Налогру

10 зурул хӀасиллу

ХӀукуматрал кутак, маэшат ва аваданшиву мудангу чӀалачӀи дуллалисса ца хӀуччану хьанакъиссар паччахӀлугърал хазналувун дукӀлакӀисса налогру, къажанжи, дишаларду ва м.ц.

Ми циксса зиядану дурив, муксса хӀукумат ччаннай дарцӀуну дур. Налогру къадатӀайсса хӀукумат дакъассар, кици ми ми чӀяру давривури бусса.

Диялсса налогру датӀинсса даража хьуншиврул гьарта буллан багълай бур миннул база. Гьарца ишбажаранчи, устар, машачи, строитель ва гьарцагу зузисса инсаннал лякъаймур аьлттуну дикӀлаву чара бакъасса задри, мукун бакъахьурча «кьюлтӀисса « экономика дачайссар.

Ци тагьар дур жула райондалул хозяйствордая, ишбажаранчитурая, хӀасил налогру дулун багъайминная датӀайсса налогру дулавриву учирча, 2016 шинал 10 зурул хӀасиллу укунсса хьунни:

Ноябрьданул байбихьу-

линин зузисса инсантурая датӀайсса подоходный налог 10 зуруй датӀин багъ-



лай бивкӀун бур 21990аз.къ., дартӀун дур 21027аз.къ., яни 95,6 процент. ЕНВД-рал -397аз.къ., дартӀумур -334,8 яни 84,3%. ЕСХН -69,9аз.къ., дартӀумур 71,8 ягу 102,5%. Инсантурал къатрая ласайсса налог (Налог на имущество) -219,0аз.къ., дартӀумур -286,6аз.къ.,

ягу 130,8%. Аьршарал налог -1686,9аз.къ., дартӀумур -2008,3аз.къ. ягу 119%. паччахӀлугърал пошлина -154аз.къ., дартӀумур -125,8, ягу 81,7%. Налогру дакъасса доходру -470,8аз.къ. дартӀумур -1073,0аз.къ., ягу 227,8%.

УСН -447,5аз.къ. дартӀумур -691,2, ягу 154,6%. Акцизру 14023,3аз.къ., дартӀумур -14376,8аз.къ., ягу 102,5% Аьмну: план -39458,4аз.къ., дартӀумур -3999,7аз.къ., ягу 101,3%. Акцизру хӀисав къадурну датӀин аьркинессия -25435,1аз.къ., дартӀумур -25618,9аз.къ., ягу 100,7%.

Аьмну 2016 шинаву райондалий акцизру дакъа датӀин ккаккан бувну бур 32881,9аз.къ.

С.ХӀажиев, райадминистрациялул налогиртталсса буллалисса специалист.

лугъ хьхьичӀунмай най бивкӀун бур личӀи-личӀисса цӀардалу: ЧК, ВЧК, ГПЦ, ОГПУ, НКВД.

1917 шинал ноябрьданул 10-ний бувккун бур зузалтрал милиция сакин баврил хӀакьиравусса декрет.

Халкъуннал Комиссариатрал бувссар «О рабочей милиции» тӀисса хӀлукму. Му кьинилия шихунмай Аьрасатнал милицинал ПачахӀлугъран хьинну агьамсса ва захӀматессар бигарду биттур буллай бивтессар цӀанихсса ххулла.

ЦӀанихсса бур Дагъусттаннал милициалтрал таварихгу, цувгу сакин бувсса 1920 шинал апрельданул 28-ний.

Цала патриотшиву, Ватан ххирашиву, му дуруччин жард къаучайшиву, чапхунчитурал, преступниктурашал жаннай хӀайп къаувкуну талан

калин къачагътал ххявхсса чӀумал ва цайми иширттаву. Ца яргсса мисал - бивкӀуллул хьхьичӀ Аьрасатнал Виричу МахӀаммад НурбахӀандовлул «Зузияра уссурвал» увкусса таварихравун дагъсса калимартту.

ЦӀа дан лайкъссар «Лакский» отделданий зий бивкӀми ва цӀана зузимигу.

ТачӀав хьама дитан къашайссар къучагъталну жанну дуллусса **Амсарулагъ Кьунжувлул, АьлихӀусман Оьмаровлул** (2009ш. 10 август). **Неьматулагъ ЖахӀипаровлул, Идрис Булатовлул, Абакар ХӀамзатовлул, ХӀусайни МахӀаммадовлул, Апанни Исмаиловлул, Рамазан МахӀаммадовлул, Мурад Щамхаловлул** мудан итталу дацӀлацӀисса цӀарду.

Дагъусттан Республикалул Закон

Дагъусттан Республикалий 2017 шинал пенсиялийн социальный арцу ххи даншиврул, оьрму бутан аьркин хъанахъисса яла чансса арцул лагру ккаккан даврия

27 октябрь 2016ш.

Статья 1.

Пенсиялийн социальный арцу ххи даншиврул, Дагъусттан Республикалий 2017 шинал оьрму бутан аьркин хъанахъисса яла чансса арцул лагру ккаккан дан 8374 кьуруш.

Статья 2.

Ва Законодалул 1-мур статьялий ккаккан дурсса оьрму бутан аьркин хъанахъисса яла чансса арцул лагру ишла дайссар, 1999 шинал июльданул 17-ний итадаркьсса «О государственной социальной помощи» тIисса №178 - ФЗ Федерациялул законодалией ккаккан дурсса пенсиялийн ххи дайсса социальный арцул лагру кIул даншиврул.

Статья 3.

Ва Закон гужравун духлахиссар казитрай риршуну ацI ва гьантта лавгния гихуннай.

*Р.АВДУЛЛАТИПОВ, Дагъусттан Республикалул БакIчи.
ш.МахIачкьала, 31 октябрь 2016 шин, №56.*

«Дагестанская правда», 3 ноябрь 2016ш.

Образование

Методобъединениелул батIаву хьунни

Октябрьданул ахирданий ГьунчIукьатIув хьунни лакку мазрал ва литературалул учительтурал райондалул методобъединениелул заседание.

Муний гьуртту хьунни 11 школалул вакилтал.

Заседаниелий ххалбивгьунни укунсса масъаларду:

-райондалул методобъединениелул 2015-2016 дуккавил шинал дурсса даву;

-цIусса дуккавил шинал дуллансса даврил план цIакь даву;

-Культуралул ва мазурдил Дагъусттаннал кьини кIицIлаглай дурсса давурттал отчIетру дулаву.

НигъачIаву дакъасса Интернет

Октябрьданул 29-ний КIундиннал школалий хьунни Интернетрал сеть-раву нигъачIаву къадикIаврил кьинилун хас дурсса батIаву.

Мунийн бувкIун бия 8-11 классиртаву дуклакисса оьрчIру. Миннал вичIидирхьунни «Интернет ва оьрчIру» тIисса

ихтилатрах, мукунма ххал бувнни «Интернетравусса хIарамзадашиву», «НигъачIаву дакъасса Интернетрахлура» тIисса ва цайми кинороликру.

«Дуклаки оьрчIасал цачIу ва батIаврий сакин бувнни Интернет нигъачIаву къадикIансса куцIу ишла дуллансса маслихIатру.

Жула чIава вирттал

РФлул ПрезидентначIасса Дагъусттан Республикалул муданасса вакил Зумрут МухIуттинова РДлул Постпредстволул Жамьатрал Советрал президиумрашал Московлив хьунабавкьунни гьашину май зуруй Гьумук Гьухьаллал бяравун оькьлакьисса 5 шинавусса оьрчI ххассал увсса **Аминат Муслимова**чал ва **Аида Садиков**ащал.

-Жулла ххаллилсса душварал, инсантурангу хавар бакъанма, виричувиву дурнни, -увкунни ванил. -Хьун-масса барчаллагъ зун, зул нитти-буттан ва зул школа-лун, мукунсса душру тарбия бувсса. Зуяту утти кIулсар шала билаятран, зу жул чIава виртталлу!

Зумрут МухIуттиновал

тапшур бунни мюрци душваран барчаллагьрал чагьарду РДрал Постпредстволул чулуха. Мунил мукунма дакIнийн бивчунни Дагъусттаннаясса цайми инсанталгу, мукуннасса виричувивуртту дурсса: Марат РахIматов – цала оьрму харж бувну, нехавун бюкьлакьисса кIива душ ххассал бувсса; Малик АхIмадов – хьхьиривун бюкьлакьисса душ ххассал бувну, цува инвалид хьусса; МахIаммад Авдулхаликов – ччучлачисса къатлува буккан хьамитайпалун кумаг бувсса.

Ванил кIицIлавгунни мукуна виричувсса полицейский МахIаммад Нурба-хIандов, душмантурал хьхьичI бивкIулия нигъа къаувьсса.

Райадминистрациялий

Райондалией кIицIларгунни Агьали цашаврил кьини

Ноябрьданул 3-ний райондалул администрациялул актотый залдануву кIицIларгунни Агьали цашаврил кьини.

тал! Зун талихI булуннав! Буттал кIанттун хьинмур буллай зунсса ва яхъанан-



Миккун бувкIун бия организациярдай ва учреждениердай зузими, мукуна - Лакрал ва Ккуллал муниципалитетирттал прокурорнал заместитель **Саид МухIадов**.

БатIаву дайдирихьуна райондалул администрациялул бакIинал заместитель **Ансар Къажлаевлул**. Мунал бувна циняв му кьинилуцал барча буллалисса ихтилат.

-Ва байрамрал, мыйжаннугу, дакIру пахрулул дуцIин дуллай дур, -укунни мунал. -Жува буру жула буттал буттахьал чIярусса никирттай дуручлай бивкIисса аьдатирттал варистал. Гайннал чувшивуртту, Ватан дуручлай дурсса виричувивуртту мудангу дикIантIиссар жунна цашаврил, бавкьуну бикIаврил яргьсса эбратну. Байрамрашал, ххирасса дус-

сса ххаришиву дулуннав зун!

Хьирив ва байрамрашал барча буллай цала бувсса ихтилатраву С.МухIадовлулгу кIицI лавгунни ва байрамрал цукунсса агьамшиву дуссарив, чIа кунни циняннан ххуйсса, бавкьусса ялун бучIантIимур ва билаятрайсса миллатру кувнащал кув бавкьуну ялапар хъанахъаву.

Дагъусттаннал муфтий щайх АхIмад Абдуллаевлул барча бувнни билаятрай яхъанахъими Агьали цашаврил кьинилуцал.

«ХIурмат бусса уссурвал ва ссурвал!

ДакIнихтуну барча буллай ура зу байрамрашал - Агьали цашаврил кьинилуцал!

Ва кьини жула билаятрай яхъанахъиминнан ляличIисса кьини хъанахъиссар, жула билаятрай чIярусса шиннардий кувнащал кув бавкьуну яхъанай бунутIий чIярусса миллатру - личIи -личIисса культурарду, динну, мазру бусса инсантал. Мисалдаран, дагъусттаннал халкьуннан ва байрамрал агьамшиву ляличIисса дур, цанчирча, чIярусса миллатру бусса жула республикалий яхъанахъиминнал цимилагу чIалачIи бувссар, цивппа билаятрал хIакьсса патриотьтал бушиву, яргну чIалачIисса аьмсса пикригу, рувхIанийшивугу дурсса, жула диндалул жунма лахьхьин буллалисса куцIу.

Таварихравун бурувгун, дакIнийн бутанну, жула буттахьул мудан цанна хасьсса чувшивруцал, ччими захIматшивурттугу дурхIуну, исват буллай бивкIшиву, циняннан хьинмур хьунсса ххувшаву ласунсса гуж так



цашавриву бушиву. Мунийн бувну, аьзизсса аьрци ххирашиврул ва му тIутIайх дирчуну ччишиврул цачIун бувсса жула миллатирттаща бюхьлай бур ттуршрахьул шиннардий хьинсса чIаххул кунма, кувнан кувнал хIурмат буллай ва хьинмур - ххуймур хьуну ччай яхъанан.

Жува цачIун шаврил, личIлулну бикIаврил ва ятIивтIусса бушиврул кумаг бувнни, Алагьнал кабавкьуну

гихунмайгу банссар, ччимур захIматшиву духIан. Цукьсса къаччайнугу, жула Ватандалун ца-ца чIумал мигу хьунадакъай.

ДакIнихтуну барча буллай ура циняв жула буттал кIанттул инсантал Агьали цашаврил кьинилуцал. Ва кьини хъанахъиссар жула паччахIлугьрайми цачIун шаврил ва цашаврил лишан.

ЧIатIий ура зун хьиншиву, дакъаву ва паракьатшиву!»

Юбилей

Талатавривугу, давривугу хьхьичӀунну

(Сулейманнул арс Давуд Аьзиев увну 100 шин бартлагаврин бувну)

Чирисса Вилтгациял шяравату тамансса машгурсса инсантал бувкссар. Ца вилтгациянаву акъа циняв лакравугу яла хьхьичӀунминнавусса цану хьанхьиссар Аьзиев Давуд Сулейманнул арс. Гьашину Давуд Аьзиев увну ттуршра шин бартлагавриссар.

Давуд увну ур 1916-ку шинал Сулейманнул ва Ханичал кулпатраву.

Вилтгахь увну унугу, Давудул оьрчӀниисса оьрму хьунмурчӀин лавгун бур Аьрасатнаву. Ванал ппу, къалайчи, хьус льякин Краснодардал крайрайсса Новоминская станицалийн лагайсса ивкӀун ур. Тикку бувккуну бур Давудул цалчинмур класс.

Амма чӀал къавхьуну Сулейман ивзун ур Воронежуллал областрайсса Россось тӀисса хьун бакъасса шагьрулийн. Давудулгу тикку къуртал бувну бур колхозрал жагьилтурал учкъула. 1932-ку шинал Аьзиевхьул заняхьуну бур ватандалийн, Давудгу Щурагъ шяраваллил маэшатрал рабфакравун увххун ур. Рабфак бувккуну махь, Давуд увххун ур МахӀачкъалалив Дагъусттаннал шяраваллил маэшатрал институтравун, къурталгу бувну бур 1939-ку шинал. Га шин Давудул оьрмулуву яла цӀушиннардал аваданмур хьуну дур. Вуз буккавришал ва, Аьжа тӀисса шяравудуш бувцуну, авшуну ур. Гай хьуну бур талихӀ



бусса кулпат. Миннал оьрчӀру дагъусттаннал халкъуннаву хьинну бусравну буссар.

Институтрал каялушинналул Давуд Москваливсса К.А.

Тимирязевул цӀанийсса Шяраваллил маэшатрал академиялувун къамул ан маслихӀатну квавккун ивкӀун ухьувкун, Давуд авчуну ур Москвалив. Амма, аьрххи махьнин бутан багьну бур. Ванайн оьвкуну бур ДАССРданул Виваллил иширтгал нарком А.И. Пантелеевул. Та заманнай ихтияр дуроччайми ва паччахӀлугьрал мюхчаншиврулми органавун кӀушивурттайну валултурассаннуйну буххайсса къабивкӀссарча, хьхьичӀунми ва марцӀми жагьилтал язи бувгьуну, дьяватрайну (приглашениярттайну) жаваблусса даврин буцайсса бивкӀссар. Наркомнал диндир увсса Аьзиев лавгун ур (Ахир 4 лаж.)



Образование

ГьайкалданучӀансса экскурсия

ГьунчӀукъатӀрал школалул дуклаки оьрчӀал экскурсия дурни Лакрал ва Лавациял районнал дазурдайсса Гьарун Саидовул гьайкалданучӀан.



Муниву гьуртту хьунни 7-11 классирттаву дуклакисса оьрчӀру. Миннашал экскурсиялий бия учительтал

М.Кьушиев, Б.Кьурбанова, Б.Шаьбанова, С.Кьушиева.

Дуклаки оьрчӀал бакьин бувну, марцӀ бувни гьайкалданул ялтгусса кӀантту, цурда гьайкалгу марцӀ дурни.

Школалул директор М.Кьушиевул миннахь бувсунни чичу -революционер Гь.Саидовул бувтса оьрмулия.

Дуклаки оьрчӀайн тапшур бувни ва экскурсиялий мюрщисса сочинениердучичин.

Р.ХӀамзатовлун хас дурсса нюжмар

ЧӀуртгациял школай дурни Р.ХӀамзатовул луттирду буклакисса нюжмар

Му нюжмардул мутталай школалай дурни литературалул - музыкалул вечер, «Дагъусттаннай дакӀ

тӀайласса зунттал чув» тӀисса. Му хас дурну дия шаэрнал творчестволун ва оьрмулун.

Вечер хӀадур дурну дия оьрус мазрал ва литературалул учительтал Ш.ХӀусмановал ва Т.МахӀаммадовал.

Уриннал школай дурни Дагъусттаннал культуралул ва мазурдил кьинилун хас дурсса вечер.

Муний дурни лакку мазрайсса луттирду буккайминнал конкурс. Мукунма дуклаки оьрчӀал щаллу дурни лакрал

Дагъусттаннал культуралул ва мазурдил кьинилун хасну Щардал школай хьунни Юсуп Хяппалаевул творчестволун хас дурсса вечер.

Муний хьунни назмурду ва сочинениерду чичаврил конкурс.

Вечер дачин дурну бия 10-мур классраву дуклакисса Аьжа Бажаева ва ЧанкӀур ЧанкӀуров.

ХӀадур дурну дия вечер лакку мазрал ва литература-

къавтӀавуртту, укуни лаку балайрду.

Вечерданийн хӀадур дурну дия лакку мазрайсса луттирдал выставка.

Ва вечер сакин дурну дия лакку мазрал ва литературалул дарсеру дишайсса учительница Мариян Даудовал.

Ю.Хяппалаевул

творчестволун хасну

лул учительтал Т.ХӀажиевал, Н.Оьмаровал ва С.ЦӀаххаевал классирттай каялушиву дуллалиминнашал цацӀу.



13 ноябрь- Щалагу дуньяллул мурчӀиминнал кьини

МурчӀиминнах - жамьатрал къулагьас

Щалагу дуньяллул здравоохранениелул организациялул сипталий, 1984 шиная байбивхьуну, ноябрьданул 13-ний кӀицӀлагайссар ва кьини. Ва тарих язибувгьуссар му кьини увсса франциянал педагог Валентин Гаюнил хӀурматран. Га хьуну ур мурчӀисса оьрчӀру дуклаки бан школа тӀивтӀисса дуньяллий цалчинсса инсан.



Му школа В.Гаюил Парижрай тӀивтӀуну бур цала арцух 1784 шинал, я паччахӀлугьрал, я хьинбалартту байминнал чулуха кумаг бакъа. Школалун цӀагу дирзун дур «Зузисса мурчӀиминнансса дуссукаьатта».

Му школалай цал дуклай ивкӀун ур мурчӀисса 12 оьрчӀ, ганал цала хӀадур дурсса къайдарттай, ганал ляхьан бувсса «унциала» тӀисса шрифтрал кумаграй.

Га шрифтрал кумаграй мурчӀиминнал буккин лахьхайсса бивкӀун бур, луттирду бишайсса бивкӀун бур. 1829 шинал тӀурча Луи Брайллул ляхьан бувну бур цамур, уттинингу цала дуньяллий ишла буллалисса шрифт.

Валентин Гаюи мурчӀиминнан лахьхьин баврил даву Аьра-

сатнавугу дулла ивкӀун ур. 1807 шинал Санкт - Петербурграй тӀивтӀун бивкӀун бур зузисса мурчӀиминнал Институт - жула билаятрай мурчӀисса оьрчӀан тӀивтӀисса цалчинсса дуккавил идара.

Статистикалул хӀлучардайн бувну, цӀана цала дуньяллий бур чаннал чулуха заэвсса 161 миллион инсантурал. Миннаяту 37 миллион - мурчӀи хьуну, цичӀар къачӀалачӀисса. Миннаватугу 1,4 миллион ацӀния хьюра шинавун бияннинсса оьрчӀру.

Щалагу дуньяллул мурчӀиминнал кьини дурну дур, яруннан чани бакъасса инсантурах жамьатрал къулагьас дуллал баншиврул, миннал оьрму ххуй бан, каши гьарта дан кумаг буланшиврул.

Баянбаву

Бахлай буру 2 том-рая сакин бувсса, МахӀаммад - ХӀажий Кьаплановул чивчусса «Казий-Кумух и его тухумы» тӀисса лу.

Ва луттирал хӀакьираву цӀухху-бусу бан оьвчин бюхьайссар ва телефондалувух:

8 928 800 55 10.

Спорт

Спортрал халкъ цачIун байссар

Ноябрьданул 3-ний Гъумук спортзалдану хьунни Дагъусттаннал районнал дянивсса лачIун буккултрал турнир.



Микку гьуртту хьунни 4 райондалул лачIун буккултрал командартту:

ЧIарадиял, Лаващиял, Гергебиллал, Лакрал. Турнир сакин дувлтну хьунни ДЮСШ. Лач-

Iун буккултрал соревнование хас дурну дия Аьрасатнал халкъуннал цашиврул къинилун, яни 4-мур ноябрьданун. Майжаннугу му дия жула миллатирттал цашиврул дусшиврул, спортраву итхяххаврил байран. Гьуртту хьанай бия 7 даражалул кIушшиврул, 60-хьул лачIун буккулт.

Аьмну хIисав дурну, 1-мур кIану бувгьунни ЧIарадиял райондалул командалул, 2-мур Гергебиллал райондалул, 3-мургу - Лакрал райондалул командалул. Цайва-цайва бавцIуну кIицI лагарча ЧIарадиял лачIун буккултрал цинянаву лавсунни 3 цалчинмур кIану, Гергебиллал командалул 2 цалчинмур кIану Лакралминналгу 2 цалчинмур кIану.

Ххув хьуминнавун жулла райондалия цу агьри учирча, 26 килорал кIушиврий 1-мур кIану бувгьунни ХIасанбасри Хановлул, 2-мур кIану 35 кило-

рал кIушиврий Батир Исмаиловлул. Ца ялагу 1-мур кIану бувгьунни 28 килорал кIушиву дусса Иманаьли Хановлул. Гьарца хьхьичIун ливчусса спортсменнан ахирданий тапшур дунни хIурматрал грамотартту, дипломру ва арцуьнуса бахшишру. Арцуьну кумаг бунни жагьилтурал комитетрал чулухагу.

Вания тихунмай ДЮСШлуву вардиш хьанахьисса 4 спортсмен: ХI-Б.Ханов, И.Ханов, Б.Исмаилов гьуртту хьун тIий бур Нальчик шагьрулий Аьрасатнал дянивсса лачIун буккултрал турнирданий. Ка бакьиннав цахьхьун.

Майжаннугу цуксса къатIув бувкрив, лахьсса даражалул соревнованиярттай гьуртту хьурив муксса гьаз хьанай бур зунттавусса спортсментурал гьавас, гьира, хавар бушиву. Махьсса шиннардий зунттал спортсментал гьуртту хьанан бивкIунни республикалул къатIув хьанахьисса соревнованиярттай, турнирдай. Миннувухва жулламайгу.

Ва ДЮСШлул даврил ца ккаккьяну ккалли дан бучIир.

Талатавривугу, давривугу хьхьичIунну

(Дайдихьу 3 лаж.)

Москавлив, так Тимирязевлул академиялувун акьача, Централ мюхчаншиврул учкъулалийн хасьсса дуккаву дан. Ца шинавун Д.С. Аьзиев лейтенантнал чиндалулу республикалул НКВД-луву зун ивкIун ур.

хIлугьрал лишангу – «Знак Почета» орден дурккун дур.

Талатаву дяьвилул шиннардийгу, дяьви къуртал хьуну махьгу дачин дан багьну бивкIессар. Аьзиевгу му талатавриву къанкъану гьуртту хьуну, лайкъсса кIану бувгьуну

тапшур дурну дур ЦIуссалакрал райондалул партиялул райкомрал каялушиву даву. Давуд Сулейманович рязи хьуну ур му даву бакIрайн ласун.

Уттигьанну кунна сакин дурсса райондалул иш хьинну къулай чанну бивкIун бур. Га

устаннал обкомрал шьраваллил маьшатрал отделданул заведующийну, яла ДАССР-данул Совминдалул председателналул хьиривчуну.

60-ку шиннардий совет билаятрай буллан бивкIессар къалмул, ахьнилсриннул, ахьулссаннул, дикIул, накIлил, ппаллул тадарак (заготовкартту) дайсса идарартту. Дагъусттаннай мукунсса идара бан тапшур бувну бур Д.С. Аьзиевлуйн. ЗахIмат ххирасса инсаннал гьарца давугу ларайсса даражалий дайнугу, анжагь цари шайсса ганал оьрмулул давуно. Мукунсса давуно Д.С. Аьзиевлун хьуссар Дагъусттаннал тадарак даврил (заготовкарттал) идара сакин даву. Цала зумуну хьирив лавну маьсалагу ххал бивгьуну, ва айивхьуну ур му даву дуллау. ЦIубуккан бувну бур МахIачкъалаллал, Хасавюртулал, Буйнаккалал, Дарбантулал мелькомбинатру. Мукунма, цува ялув авцIуну бувсса Щамхаллал ччатIул продуктирдал комбинат тIурча хьуну бур Ухссавнил Къапкъазнаву бакьа, шала Аьрасатнаву эбратран ккалимурну.

Билаятрал лавайсса къимат бившуссар Д.С. Аьзиевлул бувсса захIматран. Ва цимилгу увчIуну ивкIессар КПССрал Дагьобкомрал вакилу, ДАССР-данул Хьун Советрал депутатну. ЦIана Щамхаллал комбинатран Давуд Сулейманович Аьзиевлул цIа дирзун дуссар комбинатрал хьулхьсса дакIнийн утай улттуу дуссар: «Аьзиев Давуд Сулеймановичлул цIанийсса Шамхаллал ччатIул продуктирдал комбинат», – тIисса чичру. Му бусравсса къиматри лайкъсса зузалал захIматран бившусса.

Сулайман Мусаев



Буттал кIанттул цIанийсса Хьунмасса дяьви байбишин хьхьичIсса, тай виричуссагу, аьратталссагу шинну Д.С. Аьзиевлул Мичиххичнаву ва Дагъусттаннайн немецфашистурал гьан буллалисса диверсанттурашал, агитатортурашал, хаинтурашал талай гьан дурну дур. Му талатаву жандалий къааьтIий дуллалисса Давудлун цалчинсса пачча-

ману хьуссар, подполковникнал чиндалун лайкъ хьуссар. Мунишала архIал МВДлул ва МГБлул цачIусса партиялул организациялул секретарьну зий ивкIессар.

Органнаву зий унугу, компартиялул Дагъусттаннал обком Давуд Аьзиевлул даву дуллалаврих личIулуну бурглай бивкIун бур. 50-ку шиннардил дайдахьулий обкомрал ванайн

диркIун дур махьун дагьминнуву. Хьинну хьирив лавну уругукун, секретарьнан бувчIуну бур, даву хьхьичIун дуккан дан хьунтIишиву, агана му багьайкун сакин дарча. Бювхьунугу бур ванаща захIмат бан ччисса агьалинай каялушиву дуллау, район ца шинал мутталий хьхьичIунминнуну дуккан дан.

ХIарачат бусса коммунист увчуну ур партиялул Дагь-

Учредитель:
Администрация
МО «Лакский
район».
Учредитель:
«Лакрал район»
МОлул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Кь-И. Амиров

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика
Дагестан
Лакский район
с. Кумух

Газета набрана
и сверстана на компью-
терной базе редакции
газеты «Заря» и
отпеча-
тана в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 707 экз.
Цена 2 руб.

Газета зарегистриро-
вана Региональным
управлением регист-
рации и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.

Регистрационный ПИ
№ 104561.

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.